



Broj: 01/1-02-3111/16
Ilijaš, 29.12.2016. godine

Z A P I S N I K

sa 4. (četvrte) sjednice Općinskog vijeća Ilijaš, održane dana 29.12.2016. godine, sa početkom u 10:00h.

Četvrtom sjednicom Općinskog vijeća Ilijaš predsjedavao je predsjedavajući OV-a Ilijaš g-din Mahir Dević.

Prisutni vijećnici:

RB.	IME I PREZIME
	SDA
1	MAHIR DEVIĆ
2	ANEL BUMBULOVIĆ
3	MUAMER DERVIŠEVIĆ
4	ALMA OMEROVIĆ
5	MEHMED SINANOVIĆ
6	ADEM ALIĆ
7	SAUDIN DURMIĆ
8	ARMIN MATORUGA
9	SEMIR DEDIĆ
10	HALID DIZDAREVIĆ
11	RASIM ŠEHIĆ
12	-
13	ALEN HASKOVIĆ
	SDP
14	ALAN ŠERAK
15	DAMIR FILIPOVIĆ
16	MIRSAD OSMANOVIĆ
	SBB-FAHRUDIN RADONČIĆ
17	AKIF BEŠLIJA
18	SEAD ŠEHIĆ
	BPS-SEFER HALILOVIĆ
19	MUHAMED HANDŽIĆ
20	ALMIR ŠPIODIĆ
	GS
21	EDHEM HASANOVIĆ
22	ASIM MUJIĆ
	DF
23	SEMIR DIZDAREVIĆ
	LDS
24	MEHO DŽINDO
	STRANKA ZA SREDNJE
25	-

Odsutni vijećnici:

1. Melisa Matoruga i
2. Besim Gljiva

Prisutni gosti:

1. Aida Muratović-Radio Ilijaš
2. TV Vogošća
3. Mehmed Smajlović – predsjednik Savjeta MZ Mrakovo
4. Alen Matoruga – predsjednik Savjeta MZ Misoča
5. dr.Nijaz Šitkovac – direktor DZ Ilijaš
6. Šuvalija Namka – predstavnik Uprave za šumarstvo KS
7. Denis Kahriman – predstavnik Uprave za šumarstvo KS
8. Mirnes Đozić – član Komisije za mlade
9. Učenici SŠC "Nedžad Ibrišimović" Ilijaš

Ostali prisutni:

1. Akif Fazlić – općinski načelnik
2. Merima Osmanović – pomoćnik načelnika
3. Sanja Zagorac-Jozić – pomoćnik načelnika
4. Sadeta Brkić – pomoćnik načelnika
5. Meliha Avdibegović – pomoćnik načelnika
6. Zdravko Barić – pomoćnik načelnika
7. Nijaz Spahić – pomoćnik načelnika
8. Ilda Kahriman – sekretar OV-a Ilijaš
9. Muvedeta Fazlić -
10. Vahid Hadžiabdić – građevinski inspektor
11. Sadik Alić – komunalni inspektor
12. Adha Masnopita – stručni saradnik u Službi za društvene djelatnosti
13. Maida Habibović – zapisničar

MAHIR DEVIĆ – predsjedavajući

Otvorio je sjednicu i konstatovao da postoji kvorum za odlučivanje (prisutna 23 vijećnika).

Zatim je dao na razmatranje zapisnik sa 2.sjednice.

Primjedbi na zapisnik nije bilo, pa je OV-e jednoglasno usvojilo zapisnik sa 3.sjednice.

Zatim je dao na razmatranje zapisnik sa 3.sjednice.

Primjedbi na zapisnik nije bilo, pa je OV-e jednoglasno usvojilo zapisnik sa 3.sjednice.

Zatim se za riječ javio općinski načelnik i kazao da tačku 8.Prijedlog Odluke o utvrđivanju novog građevinskog zemljišta i plana parcelacije za izgradnju turističko-rekreacionog kompleksa "Pioners System" d.o.o. Sarajevo u mjestu Ljubina povlači sa dnevnog reda i i vjerovatno će ona biti na sjednici u januaru. Predlagaču su potrebne još dodatne konsultacije.

Dobili ste prijedlog amandmana na Budžet, a hitna sjednica Vlade Kantona Sarajevo je u toku i njeni rezultati se mogu reflektirati na naš prijedlog Budžeta, pa ćemo u toku rasprave o Budžetu vjerovatno predložiti još jedan amandman. Molim vas da to uvažite.

MAHIR DEVIĆ – predsjedavajući

Pročitao je predloženi dnevni red i dao na razmatranje.

Primjedbi i prijedloga nije bilo, pa je OV-e jednoglasno usvojilo slijedeći

DNEVNI RED

1. Vijećnička pitanja i inicijative
2. Izvještaj o realizaciji zaključaka sa 3. sjednice
3. Prijedlog Programa rada Općinskog vijeća Ilijaš za 2017. godinu
4. Prijedlog Budžeta općine Ilijaš za 2017. godinu
5. Prijedlog Odluke o izvršavanju Budžeta općine Ilijaš za 2017. godinu
6. Prijedlog Odluke o davanju mišljenja na Godišnje planove šumskoprivrednih osnova za ŠGP "Gornjebosansko" i "Bistričko" za 2017. godinu
7. Prijedlog Odluke o povjeravanju vršenja poslova Pravobranilaštva Kantona Sarajevo za 2017. godinu
8. Nacrt Regulacionog plana "Apartmansko naselje Haluge"-Ilijaš, nacrt Odluke o provođenju Regulacionog plana "Apartmansko naselje Haluge"-Ilijaš i nacrt Oduke o usvajanju Regulacionog plana "Apartmansko naselje Haluge"-Ilijaš"
9. Nacrt Regulacionog plana "Savića Brdo 1, nacrt Odluke o provođenju Regulacionog plana "Savića Brdo 1" i nacrt Oduke o usvajanju Regulacionog plana "Savića Brdo 1"
10. Informacija o stanju u stambeno-komunalnoj oblasti, obnovi stambenog fonda i komunalne infrastrukture na području općine Ilijaš
11. Informacija o stanju privrede, poljoprivrede i samostalnog privređivanja
12. Informacija Službe civilne zaštite o protivminskim akcijama i mjerama zaštite i spašavanja za 2016. godinu.

AD-1

Vijećnička pitanja i inicijative

ARMIN MATORUGA – vijećnik SDA

Inicijativa:

1. Pokrećem inicijativu da se kolege vijećnici odreknu današnjih dnevnica u korist našeg sugrađanina, teško oboljelog Amira Tabaka kojem je potrebna svaka pomoć za operaciju početkom 2017. godine.
Ovu inicijativu možemo pretvoriti u zaključak.

Pitanje:

1. Kanalizaciona mreža Karaula "Beta Company" Kakanj

Općinskim budžetom za 2015. godinu planirana je I faza kanalizacione mreže Karaula. Iste godine javnom nabavkom koje je sproveda općine Ilijaš izabran je izvođač "Beta Company" Kakanj. Izvođač je uveden u radove početkom 2016. godine, a radove je završio polovinom 2016. godine. Nakon završetka radova, odnosno nedugo nakon asfaltiranja i uređivanja trase pojavila su se ulegnuća na trasi, a asfaltirani dijelovi su u potpunosti ispucali i "propali". Razlog je ne adekvatno nabijanje materijala korištenog pri ispuni rova. MZ Stari Ilijaš se u više navrata obraćala nadležnoj službi, koja se pismeno obratila spomenutom izvođaču. U više navrata sam lično zvao izvođača radova i tražio da saniraju štete, kako su ugovorom obavezne. Obzirom na ovakvu neozbiljnost izvođača radova, molim nadležnu službu općine Ilijaš da reaguje u skladu sa ugovorom i iskoriste garantni rok kojim izvođač garantuje za izvedene radove.

MUHAMED HANDŽIĆ – vijećnik BPS-Sefer Halilović

Inicijativa:

1. Obzirom da se radi o teško oboljelom sugrađaninu Tabak Amiru, ja predlažem da se odrekemo dvije decembarske dnevnicе.

MAHIR DEVIĆ – predsjedavajući

Možda bi bilo dobro da se sada odrekemo jedne dnevnicе, a u januaru druge.

MUHAMED HANDŽIĆ – vijećnik BPS-Sefer Halilović

Mislim da je bolje da to ne radimo parcijalno, nego da se sada odrekenom dvije dnevnicе.

MUAMER DERVIŠEVIĆ – vijećnik SDA

KV SDA će podržati ovu inicijativu.

MAHIR DEVIĆ – predsjedavajući

Dao je na glasanje zaključak kojim se vijećnici odriču dvije dnevnicе u korist liječenja Amira Tabaka.

Općinsko vijeće je sa 22 glasa ZA donijelo ovaj zaključak.

SEMIR DIZDAREVIĆ – vijećnik DF-a

Inicijative:

1. Pokrećem inicijativu da se na prostoru MZ Misoča izvrši pregled i zamjena neispravnih sijalica ulične rasvjete.

Obrazloženje: Kao stanovnik MZ Misoča, a i u razgovoru sa komšijama, već duži vremenski period imamo probleme sa uličnom rasvjetom. Naime, nakon što sijalica prestane sa radom (pregori), niko ne dolazi da je zamijeni iako je to prijavljivano. Budući da je zimsko računanje vremena i da mrak rano pada, molim da se ovo hitno popravi, a posebno zbog djece koja se po mraku vraćaju iz škole. Molim da se na području cijele MZ Misoča izvrši pregled i popravak neispravnih rasvjetnih tijela.

2. Pokrećem inicijativu da se na prostoru Starog Ilijaša uplanira lokacija za izgradnju ambulate, apoteke i pošte.

Obrazloženje: Na osnovu zahtjeva građana Starog Ilijaša kao i bližih MZ-a (Luka, Bioča, Malešići) koji ukupno broje preko 6000 stanovnika, pokrećem inicijativu za uvrštavanje gore pomenutih objekata u novi regulacioni plan. Još jedan razlog pokretanja ove inicijative jeste i moje prisustvo na sastanku koji je održan 25.12.2016. godine u prostorijama OŠ "Stari Ilijaš" koji je sazvao Savjet MZ Stari Ilijaš, a vezano za novi regulacioni plan, gdje su građani direktno tražili ove stvari na istom. Svjestan činjenice da izgradnju nije moguće odmah realizovati iz mnogo razloga, a regulacioni plan je u izradi, tražim da se pomenuti objekti za sada uvrste u regulacioni plan.

Stoga u u smislu člana 171. stav 2 Poslovnika Općinskog vijeća Ilijaš, predlažem da se

Općinsko vijeće izjasni zaključkom o ovoj inicijativi i da se dalje proslijedi nadležnoj službi.

MAHIR DEVIĆ – predsjedavajući

Mislim da ne možemo donijeti ovakav zaključak, obzirom da su u pitanju viši nivoi vlasti, ali inicijativu možemo proslijediti prema BH pošti koja treba da kaže da li može praviti poslovnicu u Starom Iliašu.

Kada je u pitanju ambulanta porodične medicine, taj ciklus je zatvoren na nivou Kantona Sarajevo i ne postoje nikakva budžetska sredstva unutar Budžeta Kantona Sarajevo kojim bi se ta vrsta priče realizirala. Znači možemo ići sa inicijativama prema preduzećima koja se pobrojali. Znači, inicijativu proslijediti BH pošti da li može praviti to i da li ima namjeru i Domovima zdravlja Kantona Sarajevo da li oni mogu to uraditi ili ne, te ukoliko mogu nikakav problem nije da mi to na nekoj od narednih sjednica donesemo.

SEMIR DIZDAREVIĆ – vijećnik DF-a

Ne tražimo da se ambulanta pravi iduće godine, nego da se regulacionim planom predvidi zemljište za to, pa kada bude bilo para za pet godina da se napravi.

AKIF FAZLIĆ – općinski načelnik

Trebamo se držati procedura kod donošenja regulacionih planova. Prošli smo sve procedure, usvojen je nacrt regulacionog plana i on je sada u javnoj raspravi i zapravo sutra 30.12. 2016. godine ističe rok za javnu raspravu. Dakle, ova inicijativa se može proslijediti službi i ona će ići u Zavod za planiranje razvoja Kantona Sarajevo i dat će se obrazloženje za to. Naravno, kada sve to prođe, doći će prijedlog regulacionog plana ovdje na izjašnjavanje. Ja ne podržavam da sada donosimo zaključke, jer imamo regularnu proceduru kojom se ova inicijativa može uputiti. Molim uvaženog vijećnika da inicijativu uputi nadležnoj službi.

MAHIR DEVIĆ – predsjedavajući

Znači, inicijativa može biti sastavni dio javne rasprave na Regulacioni plan Stari Iliaš.

SEMIR DIZDAREVIĆ – vijećnik DF-a

Uredu, prihvataam prijedlog.

DAMIR FILIPOVIĆ – vijećnik SDP-a

Na osnovu član 6., 167., 169. i 171., Poslovnika o radu Općinskog vijeća Iliaš upućujem vijećnička pitanja i inicijative:

Pitanja:

1. U kojoj fazi se nalazi postupak prodaje građevinskog zemljišta, pokrenut usvajanjem tačke 13. Odluke o prodaji neizgrađenog građevinskog zemljišta sa 2. sjednice Općinskog vijeća Iliaš, odnosno da li je postupak okončan i da li je izabran ponuđač sa navješćom ponudom, ukoliko jeste o kojem ponuđaču je riječ i po kojoj cijeni je prodano zemljišta?

Obrazloženje: Obzirom da sam Vas upozorio na 2. sjednici na propust koji povlači krivičnu odgovornost po članu 383. KZ FBiH, smatram da je neophodno da javnost bude upoznata

sa realizacijom prodaje.

Član 383. - Zloupotreba položaja ili ovlašćenja

"(1) Službena ili odgovorna osoba u Federaciji koja iskorišćavanjem svog službenog položaja ili ovlašćenja, prekoračivši granice svoje službene ovlasti ili ne obavivši svoje službene dužnosti, pribavi sebi ili drugom kakvu korist, drugome nanese kakvu štetu ili teže povrijedi prava drugog, kaznit će se kaznom zatvora od šest mjeseci do pet godina.

(2) Ako je krivičnim djelom iz stava 1. ovog člana pribavljena imovinska korist koja prelazi 10.000 KM, učinitelj će se kazniti kaznom zatvora od jedne do deset godina.

(3) Ako je krivičnim djelom iz stava 1. ovog člana pribavljena imovinska korist koja prelazi 50.000 KM, učinitelj će se kazniti kaznom zatvora najmanje tri godine".

2. Da li je ispoštovana obaveza iz Odluke o upotrebi znakovnog jezika i drugim pravima gluhih osoba koja je usvojena na 39. sjednici u martu 2016. godine, odnosno da li je odgovorno lice, općinski načelnik Akif Fazlić, ispoštovao posebno članove 11. i 17. Odluke, te ko su radnici općine Ilijaš koji su pohađali kurs znakovnog jezika za što je bio rok 120 dana?

Obrazloženje: Obzirom da se radi o obavezi na koj nas, pored Odluke, obavezuje Zakon o upotrebi znakovnog jezika u Kantonu Sarajevo iz 2009. godine, te kako bi izbjegli moguću diskriminaciju osoba sa oštećenim sluhom ili gluhih osoba i kako bi lakše ostvarivala svoja prava uz olakšanu komunikaciju.

3. Zašto općina Ilijaš nije obezbjedila praznične ukrase, te dekorisala grad?

Obrazloženje: Obzirom da se veliki broj građana, pa i javno putem društvenih mreža interesuje za navedeno pitanje, te smatram da je istima neophodno dati odgovor.

Inicijative:

1. Podnosim inicijativu da se vrši video i audio zapis sjednica Općinskog vijeća Ilijaš, te da se isti učita na youtube kanal koji je potrebno oformiti.

Ovu inicijativu predlažem u vidu zaključka: "Obavezuje se nadležna služba općine Ilijaš, da izvrši pripremu i snimanje narednih sjednica Općinskog vijeća Ilijaš, te se obavezuje općinski načelnik Akif Fazlić da iznađe sredstva za opremu za snimanje".

2. Podnosim inicijativu da se na oficijelnoj web stranici općine Ilijaš (www.ilijas.ba) uvrsti rubrika vijećničkih pitanja i inicijativa, kao i prisustvo sjednicama općinskog vijeća.

MAHIR DEVIĆ – predsjedavajući

Predlažem da ovo vezano za audio snimanje bude u formi inicijative, jer to sada treba osmisлити, obezbjediti sredstva i, po meni u ovom momentu ne možemo ići sa zaključkom.

ALAN ŠERAK – vijećnik SDP-a (poslovnička intervencija)

Zamoliti ću vas da ubuduće, kada sebi uzmete za pravo da nešto komentarišete, replicirate, sami sebi date riječ ili već kako. Smatram nekorektnim da vi kao predsjedavajući imate oficijelno pravo da komentarišete cijeli tok pitanja i dajete određene odgovore. Vaše je da vodite sjednicu i ako imate nešto da kažete ili replicirate javite se za

riječ.

MAHIR DEVIĆ – predsjedavajući

Navedite tačan član Poslovnika o radu Općinskog vijeća koji je povrijeđen ili će vam biti oduzeta riječ.

ALAN ŠERAK – vijećnik SDP-a (poslovnička intervencija)

Član 171. Poslovnika. Ako je kolega vijećnik Damir Filipović tražio da inicijativa ide u formi zaključka, vaše je da to stavite na glasanje u formi zaključka, a ne da raspravljate ima li ili nema sredstava.

MAHIR DEVIĆ – predsjedavajući

Općinsko vijeće i ja, kao predsjedavajući, ne mogu dati na glasanje onu vrstu zaključka koja u ovom momentu nije u skladu sa budžetom, a na pitanje i inicijative nisam nikome odgovarao, jer tu su nadležne službe i one će dati odgovore. Kada dajem na glasanje zaključak, on mora biti spreman, pripremljen, imati budžetku pozadinu itd. Sa zaključcima se ne treba igrati i treba da budemo ozbiljno Vijeće. Ja sam samo o tome govorio. Nisam govorio hoće li ili nećemo podržati zaključak. Ne možemo donijeti zaključak, a da ne znamo ko ga realizira, šta se radi, ko plaća, koliko sredstava nam treba itd. Inicijativa je dobra i neka ostane inicijativa i neka služba odgovori kako bi se mogla realizirati, a mi kao Vijeće u narednom periodu možemo donijeti zaključak.

ALAN ŠERAK – vijećnik SDP-a

Insistiramo da zaključak stavite na glasanje.

Na izvršnom organu je, na načelniku i nadležnim službama, da iznađu način kako će to uraditi.

MAHIR DEVIĆ – predsjedavajući

U skladu sa Poslovníkom, pročitat ćete zaključak onako kako treba da glasi, a mi iz SDA ćemo biti protiv zaključka koji nema svoj početak i kraj.

ALAN ŠERAK – vijećnik SDP-a (replika)

O zaključcima ćemo se izjašnjavati kada iscrpimo tačku Vijećnička pitanja i inicijative, a to da li ćete vi nešto podržati ili ne je vaša lična stvar.

SAUDIN DURMIĆ – vijećnik SDA

Inicijative:

1. Pokrećem inicijativu prema Direkciji za ceste Kantona Sarajevo da na lokalnom putu Ilijaš Stari-Misoča (lokaitet raskrsnice špic) izvrši zamjenu prometnog ogledala. Sama raskrsnica je veoma opasna i ima sasvim malu preglednost, te je prometno ogledalo koje je postavljeno ranije, razbijeno već duže vrijeme. Molim nadležne da poduzmu aktivnosti oko zamjene istog.
2. Pokrećem inicijativu prema nadležnoj općinskoj službi da putem Direkcije za ceste Kantona Sarajevo izvrši raskresavanje puteva na području općine Ilija, a to su

slijedeći putni pravci:

- * Čevljanovići-Gajevi
- * Stari Ilijaš-Gornja Misoča
- * Ilijaš-Popovići i
- * Ilijaš-Bioča.

Napominjem da su pomenuti putni pravci u većini slučajeva znatno zarasli. Potrebno je izvršiti raskresivanje prije vegetiranja tj. do marta 2017. godine.

3. Pokrećem inicijativu prema KJP da izvrši opravku posuda za odlaganje otpada. Napominjem da su iste u katastrofalnom stanju i u većini slučajeva nemaju poklopac. Stvaraju ružnu sliku okoline, a psi lualice raznose otpad.

HALID DIZDAREVIĆ – vijećnik SDA

Pitanje:

1. Postavljam pitanje direktoru JU Dom zdravlja Ilijaš zašto građani u Ilijašu moraju čekati po tri mjeseca na pregled ultrazvuka, rendgen snimka? Zašto nemamo neurologa i psihologa u domu zdravlja? Šta je direktor po tom pitanju do sada uradio?

Obzirom da je direktor prisutan na sjednici, možda može odmah dati odgovore.

MAHIR DEVIĆ – predsjedavajući

Mislim da to ipak treba dostaviti pismeno, jer možda direktor nije spreman odmah odgovoriti.

MUHAMED HANDŽIĆ – vijećnik BPS-Sefer Halilović

Inicijativa:

1. Pokrećem inicijativu da se naziv Sportske dvorane u Ilijašu preimenuje u naziv Sportska dvorana "Rašid Buća" Ilijaš.

Obrazloženje: Rašid Buća je bio najistaknutiji sportista sa područja općine Ilijaš, koji je poginuo braneći Bosnu i Hercegovinu kao pripadnik Specijalne policijske jedinice, a samim tim je i jedan od prvih šehida koji su branili i odbranili ovu zemlju. S tim u vezi, ovu moju inicijativu prosljeđujem Komisiji za javna priznanja, obilježavanje historijskih događaja i ličnosti i zaštitu kulturnog i prirodnog naslijeđa Općinskog vijeća Ilijaš, te od iste zahtijevam da ovom Vijeću do naredne sjednice pripremi prijedlog Odluke o preimenovanju Sportske dvorane Ilijaš u naziv Sportka dvorana "Rašid Buća" Ilijaš.

Imam i dva pitanja i tražim odgovore odmah na ovoj sjednici obzirom da se oba tiču službi.

Pitanja:

1. Pitanje za Stručnu službu općinskog vijeća i općinskog načelnika je zašto za 2. i 4. sjednicu OV-a niste dostavili materijale savjetima mjesnih zajednica. U prošlom sazivu Vijeća smo se dogovorili da ćemo im slati materijale kada se tiču pitanja koja se odnose i na njih.

2. Pitanje za Službu za opću upravu i lokalnu samoupravu – imamo predsjednika savjeta mjesnih zajednica koji su sada vijećnici i još uvijek nisu predali dužnosti svojim nasljednicima. Znamo da je to propisano Poslovníkom i Statutom o radu mjesnih

zajednica, a i mi smo donijeli Odluku o nespojivosti funkcija predsjednika savjeta mjesne zajednica i vijećnika.

Konkretno, imamo slučaj gospođice koja je uposlenica općine Ilijaš i koja je trebala preuzeti dužnost od dosadašnjeg predsjednika savjeta. Tražim od Službe za javnu upravu i lokalnu samoupravu da mi odgovori da li je spojiva funkcija uposlenika općine Ilijaš sa funkcijom predsjednika savjeta mjesne zajednice. Ne treba mi tumačiti Poslovnik, ne treba mi tumačiti Statut, jer sam ga pročitao, ali ako smo donijeli Odluku prije tri godine o nespojivosti funkcije predsjednika savjeta mjesne zajednica i vijećnika, trebalo bi da je nespojiva i funkcija predsjednika savjeta mjesne zajednice i uposlenika općine Ilijaš.

ALMIR ŠPIODIĆ – vijećnik BPS-Sefer Halilović

Inicijativa:

1. Pokrećem inicijativu da se u ulici Polomska iznad džamije postave usporivači saobraćaja, kao i ispred Osnovne škole Podlugovi u ulici Žrtava genocida Srebrenice.

Poznato je da veliki broj učenika sa Sovrla i Vratuše upravo kroz Polomsku dolazi do Osnovne škole u Podlugovima. S obzirom da kroz pomenutu ulicu nema trotoar dodatno otežava kretanje pješaka koji su svakodnevno izloženi opasnosti od brze vožnje i nesavjesnih vozača. Neophodno je preventivno djelovati da ne dođe do ozbiljnih posljedica.

Što se tiče ulice Žrtava genocida Srebrenice i usporivača saobraćaja ispred Osnovne škole "Podlugovi", ta inicijativa je pokretana i u prošlom sazivu vijeća, ali nije nikada realizovana, pa evo i ja da vas podsjetim da je krajnje vrijeme da se postave ti usporivači saobraćaja ispred osnovne škole, kako ne bi imali grižnju savjest ukoliko dođe do neke nesreće.

Kada je u pitanju ova ulica, bitno je napomenuti da još nikad nije završena do kraja, pa me interesuje da li uopće imate u planu završavati je i kada? U istoj ulici nema nikakve saobraćajne signalizacije, ni vertikalne ni horizontalne, koja upozorava vozače da je u blizini škola i da voze oprezno.

Pitanje:

1. Pitanje se odnosi na nedavno izvedene radove na regionalnom putu u Malešićima. Na zahtjev građana ovog mjesta postavljam pitanje da li je autobusko stajalište urađeno po zakonskim propisima kako nalaže pravilnik o minimalnim tehničkim uslovima za izgradnju i upotrebu autobuskih stajališta.

AKIF BEŠLIJA – vijećnik SBB-a

Inicijativa:

1. Prije izgradnje apartmanskih naselja, turističko-rekreacionih kompleksa i drugih sadržaja na prostoru općine Ilijaš, da općinski načelnik sa investitorom dogovori-napravi sporazum o čuvanju, zaštiti, popravci, izgradnji putne, komunalne i druge infrastrukture kao svih drugih sadržaja u naseljima gdje se izvodi planirana investicija od strane investitora.

Predlažem da ovu inicijativu pretvorimo u zaključak.

MIRSAD OSMANOVIĆ – vijećnik SDP-a

Prvo da izrazim nezadovoljstvo na odgovore za moje inicijative i pitanje.

Odgovor vezan za prevoz učenika iz Ribarića i osvjetljenje nekako je toliko služben kao da se radi o prevozu drva, a ne djece.

Ugovori i tenderi kao du su Deyton pa se ne mogu mijenjati. Šta ako sutra čopori pasa koji svakodnevno prelazeu šumu napadnu djecu; ne daj bože da dijete padne u nabujalu Bosnu. Hoćemo li onda mijenjati pravila ili se kriti od odgovornosti?

Imat ćemo priliku do aprila pričati o tenderima, a sad zasad o niskogradnji. Ponavljam, iznađimo mogućnost da zaštitimo malu raju iz Ribarića.

Kao član Etičke komisije pozivam kolegice vijećnice i kolege vijećnike da:

- razvijamo kulturu dijaloga
- da se međusobno uvažavamo,

te da se u ovoj sali borimo snagom argumenata, a ne snagom ruku.

Kako bi se bolje razumjeli, a samim time kvalitetnije obavljali svoju dužnosti pokrećem inicijative.

Inicijative:

1. Pokrećem inicijativu da u okviru plana edukacije vijećnika, Kolegij vijeća organizuje obilazak cijele općine (sve mjesne zajednice).
2. Pokrećem inicijativu da se vijećnicima dostavi kodeks ponašanja.

Ova kuća, nakon certifikacije, završila je uspješno 11-i audit. Čestitam QM-u, QM TIMU, načelniku, a posebno uposlenicima bez kojih ne bi mogla da se realizuje ni jedna procedura. Kako planirate - pripremat uvođenje ISO 9001-2015 biću slobodan da ukažem na nekoliko bitnih stvari – preporuka-inicijativa sa osvrtom na par principa upravljanja kvalitetom.

- Orijentisanost na korisnike usluga -

Uvođenje standarda najveći efekat manifestuje se kroz odnos administracije prema pružanju usluga građanima u našoj općini. Tu se jasno vidi značajan napredak-konkretno standardisu donijeli značajne pomake u ostvarivanju misije općinske vlasti. Ali, standardi nisu donijeli novi kvalitet izvan ove kuće s aspekta učešća građana u procesu donošenja odluka.

- Uključivanje ljudi -

Organi vlasti, pa i ovo Vijeće često odlučuje šta je to potrebno građanima, koji su im prioritetni projekti, umjesto da bude obratno, građani imaju dovoljno alata da oblikuju odluke vlasti ali ih ne koriste.

Kako bi unaprijedili-ojačali oblike učešća građana u donošenju odluka-obezbjedili dvosmjernu komunikaciju, pokrećem inicijativu:

3. Da se građani upoznaju sa procedurama koje su orjentisane na njih kao korisnike usluga. Najveći broj procedura se bazira na odnosu administracije prema građanima. Što prije krenemo sa jačanjem mjesnih zajednica, lakše će nam biti realizovati ono što slijedi u narednim godinama.

Dobro bi bilo da pročitamo neke stvari koje nas, kao loklanu zajednicu, čekaju na evropskom putu.

ISO 9001-2015 ide planirano.

ISO 14001 što nam je ostala obaveza iz strategije.

Kada se tiče poljoprivredne proizvodnje – podrška standardizaciji i certifikaciji proizvoda (obaveza iz strategije).

Amsterdamski ugovor je sastavni dio evropskog ugovora, a obavezuje jačanje mjesnih zajednica – neposredno učešće građana u donošenju važnih odluka.

Nisam davao primjedbe na zapisnike – odnosno izvode iz zapisnika iako neki bitni detalji iz mojih ranijih diskusija nedostaju, jer smatram da ova tehnika, odnosno mi ne koristimo istu onako kako treba. Ja lično zaboravim na mikrofon, pa možda diskusija nije ni snimljena, te ću zato neke stvari ponoviti.

Pitanja:

1. Ko su članovi tima za implementaciju strategije održivog razvoja 2013-2017.?
2. Koje aktivnosti je preduzimao tim u implementaciji Top 10 projekata (programiranje u budžetu)?
3. Je li Tim sačinio godišnji operativni plan za implementaciju strategije za 2017. godinu? (Top 10 – pravovremeno u općinskom budžetu).
4. Ko su članovi Komisije za monitoring i evaluaciju?
5. Je li Komisija uradila analizu realizovanih projekata i njihove efekte u proteklm godinama?
6. Na osnovu kojih parametara ulazimo u izradu strategije nakon 2017.godine za koju smo planirali sredstva?

Inicijativa:

1. Pokrećem inicijativu da navedeni Tim i Komisija urade temeljitu analizu realizacije akcionog plana strategije kroz godišnje operativne planove sa ocjenom ravnomjernog razvoja općine u proteklom periodu prije početka izrade nove strategije, te istu dostavi Općinskom vijeću.

Klub SDP-a u svom planu djelovanja 2016/2017. godina u prvih šest mjeseci akcenat je stavio na niskogradnju-komunalnu infrastrukturu, zaštitu javnih dobara i kontrolu utroška javnog novca. U tom pravcu postaviti ćemo nekoliko pitanja i inicijativa:

1. Tražim da se oslobodi uzurpirano zemljište u pojasu puta pravoslavna crkva-Karašnica kako bi obezbijedili bezbjedan saobraćaj za građane Karašnice. Tražimo da se inicijativa usvoji u formi zaključka.
2. Putni pravac pravoslavna crkva-Karašnica iznad baraka. Izvođači radova su devastirali put, nanijeli štetu stanovnicima ispod puta. Tražimo da isti saniraju putni pravac i obeštete stanovnike uz put.
Takođe predlažemo da se inicijativa usvoji u formi zaključka.
3. Je li iko od nadležnih organa reagovao na loše urađeni infrastrukturni objekat u periodu 2013.-2016.godine
4. Ko vrši nadzor nad ljetnom-zimskom održavanju putne mreže na području općine Ilijaš?

5. Putni pravac Gaz-Bjelike (MZ Kamenica) zašto nije saniran i je li izvođač radova naplatio neuraden posao.

Obrazloženje za gore navedene inicijative i pitanja: Uvidom u izvršenja Budžeta općine Ilijaš za 2013., 2014., 2015. godinu i informaciju 1-9 mjesec 2016. godine, utvrdili smo da su izdvojene desetine miliona KM na izgradnju infrastrukture na području općine Ilijaš kao i na zimskom i ljetnom održavanju, a da značajan broj istih se raspada ako možemo vjerovati svojim očima i očima građana koji koriste tu infrastrukturu.

Kako bi zaštitili javne investicije, pozivamo sve organe općine da utvrdimo činjenično stanje, te da sve što nije urađeno u skladu sa tenderskim zahtjevima bude sankcionisano, građani budu obeštećeni.

Sada molo ljepše teme.

Analizirajući projekte, programe, planove, te rad nekih službi – njihov napredak, zaključili smo da naša općina ima značajan broj stručnih, kreativnih uposlenika koji mogu pokrenuti-povući pozitivnu priču naše općine.

Kako je pred nama period dogradnje sistema kvaliteta, izrada strategije jačanja MZ-a, pokrećemo inicijativu:

1. Da timovi koji budu radili na tim projektima razmisle o stvaranju brenda Ilijaša – da ponude nešto naše autentično ilijaško, a predlažem uvezivanje
 - Bijambare
 - Čevljanska korida
 - Ivančići-savjetovanje
 - Republika Srednje
 - Rudnik Podrola
 - Taračin Do-Crkva
 - Kopošići
 - Stari grad Dubrovnik
 - Kompleks Čemerska planina
 - Ilijaški dani
 - Sajam poljoprivrede.

Pozivam izuzetnu ekipu oko našeg kolege Besima Gljive, Radio Ilijaš, Udruženje 126.Ilijaške brigade da svoje znanje i ideje ponude na izradi ovog projekta.

ALAN ŠERAK – vijećnik SDP-a

Pitanja:

1. Je li istina da je SIPA dolazila u općinu Ilijaš i vršila određene pretrese i izuzela određenu dokumentaciju?
2. U kojoj fazi je bombastično najavljeni mega projekat izgradnje navedenog outlet centra u Ljubnićima?

ALEN HASKOVIĆ – vijećnik SDA

Inicijativa:

1. Pokrećem inicijativu za rješavanje problema odlaganja otpada u Podlugovima između "Edeke" i "SPC". Problem je u odlaganju otpada iz mesnice "Šabanac", što ima za posljedicu sakupljanje pasa lutilica, te se smeće raznosi po ulici. Kao moguće rješenje predlažem da svaki privrednik ima vlastiti kontejner za namjensko odlaganje otpada. Na taj način bi postojeći kontejneri služili samo za odlaganje otpada stanovništva.

MAHIR DEVIĆ – predsjedavajući

Kada je u pitanju dostava materijala za sjednice OV-a predsjednicima savjeta mjesnih zajednica, želim istaći da je na snazi Zaključak Kolegija općinskog vijeća da se jedan primjerak materijala za OV-e dostavlja koordinatoru za poslove sa mjesnim zajednicama koji će isti

Stručna služba OV-a je dostavila materijal koordinatoru na dalje postupanje.

MUHAMED HANDŽIĆ – vijećnik BPS-a

Ukoliko već postoji zaključak Kolegija OV-a kako se dostavlja materijal savjetima mjesnih zajednica, a iste nisu dobile materijal, predlažem nadležnima da poduzmu sankcije prema onima koji su se oglašili na taj zaključak.

AKIF FAZLIĆ – općinski načelnik

Kada su u pitanju predloženi zaključci smatram da bi trebali biti predloženi kao tačka dnevnog reda na nekoj od idućih sjednica.

AD-2

Izveštaj o realizaciji zaključaka sa 3. sjednice

Zaključaka na 3. sjednici nije bilo.

AD-3

Prijedlog Programa rada Općinskog vijeća Ilijaš za 2017. godinu

Diskutanata po ovoj tački dnevnog reda nije bilo, pa je OV-e jednoglasno usvojilo

Program rada Općinskog vijeća Ilijaš za 2017. godinu

AD-4

Prijedlog Budžeta općine Ilijaš za 2017. godinu

MAHIR DEVIĆ – predsjedavajući

Općinski načelnik je predložio amandmane koji su sastavni dio prijedloga Budžeta.

Takođe i KV SDP-a je predložio amandmane, pa neka se predlagač očituje.

AKIF FAZLIĆ – općinski načelnik

Vidjeli ste da se ovim amandmanima i generalno kroz javnu raspravu povećao prijedlog budžeta u odnosu na nacrt koji smo usvojili u novembru. Sada imamo konačan prijedlog budžeta u iznosu od 12.238.900,00 KM.

Kroz javnu raspravu smo dobili puno prijedloga, sugestija, primjedbi i uvažio se nivo prijedloga koji sublimirani na način da se uvažio dio prijedloga koji su značili zahtjeve za povećanje na pozicijama infrastrukture. U tom smislu javnu raspravu smo uvažili na način da smo prijedlog budžeta povećali za 700.000,00 KM da bi uvažili najveći dio zahtjeva koji su došli iz javne rasprave. Naravno da njihovo lociranje i njihova identifikacija konkretnih programa će biti izvršena kroz operativni plan gdje ćemo budžetske pozicije postaviti kroz operativni plan i njegovu realizaciju.

Kroz javnu raspravu uvaženi su zahtjevi da se sredstva za putnu infrastrukturu povećaju za 197.000,00 KM.

Također, kao predlagači budžeta, predložili smo da se povećaju sredstva za objekat javne tržnice u Ilijašu na 250.000,00 KM.

Povećali smo sredstva za Industrijsku zonu Luka za 130.000,00 KM.

Obzirom da nismo mogli naći adekvatne finansijske izvore za problem koji se par godina stalno javlja vezano za nabavku ultrazvuka u Zavodu za žene i materinstvo u DZ Ilijaš, mi smo ga pozicionirali direktno iz svog budžeta sa 60.000,00 KM i on će biti, ako u međuvremenu ne nađemo adekvatan finansijski izvor, realiziran iz našeg budžeta.

Pozicija za Stari grad Dubrovnik povećana je za 23.000,00 KM i u međuvremenu smo dobili od Federalnog ministarstva još dodatnih 25.000,00 KM, tako da imamo cca 86.000,00 KM za ovaj program.

Uvrstili smo zahtjev SŠC "Nedžad Ibrišimović" Ilijaš da se obezbijede sredstva za informatički kabinet sa 26.500,00 KM.

Sanacija objekata za rome, povećanje za 15.000,00 KM, povećanje pomoći za nezaposlene za 5.000,00 KM, povećanje za stavku klizišta 10.000,00 KM i ostao nam projekat vanjskog uređenja ispred doma zdravlja i općine 58.000,00 KM.

To je generalno okvir, ali ima još sitnih izmjena do par hiljada koje mislim da ne treba obrazlagati, a možemo kroz pitanja odgovoriti.

Sada imamo amandmane i ja sam obrazložio.

Prvu grupu amandman ste dobili prije sjednice i oni su nastali, prije svega, kao rezultat aktivnosti koje smo imali sa Vladom Kantona Sarajevo u smislu obezbjeđenja sredstava za budžet 2017. godine, a na bazi ušteda koje je Vlada Kantona Sarajevo ostvarila u svom budžetu u 2016. godini i opredjelila se da transferiše za značajne projekte prema općinama, pa prema tome i općini Ilijaš. U tom smislu amandman-dogradnja (tako je definisano sporazumom), a odnosi se na projekat energetske efikasnosti i adaptacije ovog novog dijela objekta DZ Ilijaš u iznosu od 150.000 KM gdje će Ministarstvo zdravlja KS učestvovati sa 121.000,00 KM, a općina sa 29.000,00 KM. Time ćemo u 2017. godini zaokružiti adaptaciju objekata DZ Ilijaš.

Slijedeći amandman, sa Ministarstvom za raseljena lica KS obezbjeđeno je 20.000 za zbrinjavanje jedne porodice gdje će općina sufinansirati 10.000,00 KM, tako da je obezbjeđeno 30.000 za izgradnju jednog stambenog objekta.

Amandman broj IV – stipendije, povećali smo iznos na 160.000,00 KM da bi svi učenici i studenti koji ispunjavaju kriterije dobiju stipendije.

Amandan V – objekat auto-moto kluba koji smo finansirali u 2016. godini, ali auto-moto klub nije uspio zaokružiti finansijsku konstrukciju da se objekat uredi koji je u centru grada i predlažemo da uđe u budžet i da time taj objekat kroz njegovo uređenje utičemo na dalju urbanizaciju našeg grada.

Amandman VI – poduzetnička infrastruktura, ovdje predlažemo novu stavku koja znači naše sufinansiranje od 1% za izgradnju nove trafostanice u Željezari Ilijaš (po lokalitetu), ali ona je javna i pripada Elektroprijenosu. Time bi konačno riješili dugoročno električno snabdijevanje grada.

Amandman VII – prijedlog da se za 20.000,00 KM obezbijedi pozicija neophodne intervencije na sportskim i dječjim igralištima.

Amandman VIII – da se na poziciji koja znači ove područne škole Malešići i Bioča obezbjeđenje grijanja, a u amandmanu piše Bioča, a treba da piše Malešići. Da se umjesto Malešići stave Dragoradi za izgradnju portala u područnoj školi, jer smo za Malešiće za ovaj sistem grijanje obezbjedili iz drugih izvora finansiranja i on će takođe paralelno biti realizovan kao i ova tri projekta područnih škola.

MAHIR DEVIĆ – predsjedavajući

Neka stoji vezano za energetske efikasnost za grijanje, jer oni nisu sigurni da će riješiti to

sa dva portala, jer imaju problem sa grijanjem koje ide kroz pod i sada bi bilo bolje da se naprave cijevi da idu po zidu. Znači, ne bih precizirao da to stoje portali, nego da stoje "za rješavanje energetske efikasnosti područne škole Dragoradi".

AKIF FAZLIĆ – općinski načelnik

Mogu onda ostati u paketu, samo onda da se zamijeni Malešići sa Dragoradima i da tako i ostane.

Amandman broj IX – sve cifre ostaju iste, ali u tekstualnom dijelu dodajemo projekte koje će financirati naše vodovodno preduzeće. Znači, da se doda sufinansiranje rekonstrukcije i izgradnje filter postrojenja na Karašnici i da se doda izgradnja fekalne kanalizacije u naselju Gornja Luka.

Amandman broj X – da se smanje sredstva sanacija i rekonstrukcija objekata DVD Srednje i umjesto 20.000,00 KM treba da stoje 15.000,00 KM i da se smanje sredstva sanacija i rekonstrukcija arhive organa uprave sa 25.000,00 KM na 15.000,00 KM i da se uvede nova pozicija sanacija i rekonstrukcija Doma Ljubnići u ukupnom iznosu 15.000,00 KM.

Ovo je bila prva grupa amandmana i sada ovaj novi amandman je nabavka i ugradnja novih filter postrojenja u ukupnom iznosu od 500.000,00 KM i da se po osnovu toga u prihodima od Kantona Sarajevo povećaju prihodi budžeta za 500.000,00 KM. Na ovaj način dobili bi budžet u 12.238.900,00 KM.

Još ova tri amandma koja su predložena:

Prvi amandman – vezano za subvencije samozapošljavanja – imamo ovu liniju od 10.000,00 KM, a ako bude trebalo više sredstava možemo to kroz prestrukturiranje na onim pozicijama subvencija.

Druga dva amandmana koja se odnose na uvođenje novih budžetskih pozicija, ja ne prihvatam jer to donosi jednu vrstu obaveze i odgovornosti, a i jedan i drugi projekat se mogu realizirati kroz aplikacije.

DAMIR FILIPOVIĆ – vijećnik SDP-a

Predlažem tri amandmana kako slijedi:

Amandman I

Kreirati posebnu stavku u izdacima unutar stavke Rb. TI-4e pod nazivom Subvencije-samozapošljavanje/omladinski startup biznis u iznosu od 80.000,00 KM, umanjnjem iz stavke TI-4e ekon.kod 614511 – briga o napuštenim životinjama za 30.000,00 KM, ekono.kod 614515 – potica za poljoprivredu za 30.000,00 KM i umanjujući stavku TI-5e – kapitalni transfer ostalim JU i JP za 20.000,00 KM.

Obrazloženje: Obzirom da je općine Ilijaš p statističkim podacima Službe za zapošljavanje Kantona Sarajevo na prvoj poziciji po nezaposlenosti od čega je veliki broj mladih osoba, te kako u općini egzistiraju strukovne škole smatram opravdanim formiranje budžetske stavke za finansiranje pokretanja omladinskog startup biznisa, malih i srednjih preduzeća, te u svrhu toga upućujem u proceduru Prijedlog Odluke o kriterijima, načinu i postupku dodjele sredstava za finansiranje omladinskih startup biznisa na području općine Ilijaš.

Amandman II

Kreirati stalnu budžetsku stavku unutar stavke TI-4c – Tekući transfer neprofitnim organizacijama pod nazivom tekući transfer za Udruženje "Srce za djecu koja boluju od

raka u FBiH" – Roditeljska kuća u iznosu od 5.000,00 KM umanjujući budžetsku rezervu o kojoj odlučuje općinski načelniku na 55.000,00 KM definisana članom 5. budžeta.

Obrazloženje: Mjesečni troškovi Kuće, angažovanje psihologa, sociologa, nabavka hrane, higijenskih sredstava, režijski troškovi i troškovi osoblja iznose oko 12.000,00 KM, a popunjenost ni u jednom danu nije manja od 70%, kako bi se pridružili jednom humanom projektu i pomogli navedenom Udruženju, a posebno djeci koja boluju od raka.

Amandman III

Kreirati stalnu budžetsku stavku unutar stavke TI-4c – Tekući transfer naprofitnim organizacijama unutar ekon.koda 614324 pod nazivom – aplikacija budžet za akademsku mobilnost mladih u iznosu od 20.000,00 KM, umanjujući budžetsku stavku TI-5d ekon.kod 615311 – ostali ekonomski poslovi za 20.000,00 KM.

Obrazloženje: Kako se u prethodnom periodu pokazalo da veliki broj mladih ima određeni potencijal, što dokazuju velikim brojem priznanja, a poznavajući finansijsku situaciju građana, smatram da je općina Ilijaš u obavezi da mladima omogući dalje usavršavanje i finansijski pomogne.

MUAMER DERVIŠEVIĆ – vijećnik SDA

U ime KV SDA čestitam načelniku i njegovim saradnicima na prijedlogu budžeta za 2017. godinu i nemamo nikakvih primjedbi niti pitanja i mi ćemo podržati ovakav prijedlog budžeta.

MUHAMED HANDŽIĆ – vijećnik BPS-a

Već sam rekao da mi je žao što nacrt budžeta i prijedlog budžeta nisu prošli redovne procedure kako su trebali proći iz razloga koje sam naveo. Ovaj budžet općinskog načelnika je impresivan i dobro bi bilo da i realizacija bude takva. Mi nismo imali primjedbi na ovakav prijedlog budžeta i podržat ćemo ga.

ALAN ŠERAK – vijećnik SDP-a

SDP-e je uzeo učešće u javnoj raspravi vezano za budžet. Ono što nas buni svake godine kada je u pitanju budžet, odnosno kasnije operativni plan općinskog načelnika, a to je što u budžetu nisu jasno definisane stvari koje ćemo detaljno raditi u narednoj godini, nego se ostavlja međuprostor da nam načelnik donosi operativni plan pa njime definiše, pogotovo, izgradnju u rekonstrukciju lokalnih cesta i svega ostalog, a mi u ovom momentu, na žalost, to ne možemo vidjeti. Ono što me interesuje, kao šefa kluba SDP-a koji je uložio mnogo primjedbi mogu da zaključim da je predlagač većinu stvari prihvatio i uvažio, sada me buni, šta znači prihvata se, a šta znači uvažava se. Je li to što se uvažava automatski se prihvata i predstavlja sastavni dio budžeta ili se ostavlja prostor za manipulaciju kao i prošli put kada smo imali amandman vezano za javnu kuhinju na području MZ Srednje i načelnik je uvažio našu primjedbu, ali do realizacije toga nije došlo. Zamolit ću općinskog načelnika da kaže koje će tačno stvari realizovati u narednoj fiskalnoj godini, a tiče se naših primjedbi na sami budžet. Druga stvar je povećanje dotacije JU KSC i Radio Ilijašu 20.000,00 KM. Volio bih da budemo precizniji i da tačno znamo na što se to odnosi. Neću i ne želim da vjerujem da će se ta masa sredstava iskoristiti za neko novo zapošljavanje, pogotovo stranačkih kadrova, onda smo protiv toga. Imali smo jedan zaključak u prošlom sazivu Vijeća da se napravi elaboracija sa svim pozitivnim, odnosno negativnim efektima

po pitanju privatizacije Radio Ilijaša i nikada nismo dobili mišljenje od strane one grupe koju smo zadužili da to uradi. Ali, dobro, o ovim stvarima ćemo u martu rasprava da budete konkretni kada su u pitanju primjedbe SDP-a šta ćete uvažiti, odnosno realizovati u narednoj godini, a šta ne.

AKIF BEŠLIJA - vijećnik SBB-a

Čestitam na povećanju budžeta i nadam se da će on ići u pravom smjeru, a naravno tu predstoji operativni plan načelnika da vidimo koje će stvari biti obuhvaćene i KV SBB-a će podržati ovaj prijedlog budžeta.

MAHIR DEVIĆ – predsjedavajući

Obzirom da se niko više od kolega vijećnika nije javio za riječ, zaključujem raspravu po ovoj tački dnevnog reda, a kolega Damire, obzirom da ste dobili odgovor od načelnika da s dobar dio stvari iz Vaših amandmana može realizirati iz postojećih stavki u budžetu da li odustajete od amandmana ili tražite da se izjašnjavamo o njima.

DAMIR FILIPOVIĆ – vijećnik SDP-a

Tražim izjašnjavanje.

AKIF FAZLIĆ – općinski načelnik

Da ne bi ostalo nešto nedorečeno, ja sam bio jasan i objektivan. Sve što je u budžetu, obaveza je da se realizuje. Preko 50% su namjenska sredstva i svi amandmani što smo imali su striktno namjenska sredstva, ali ima i pozicija koje smo ostavili za naše djelovanje tokom godine i svi znate da sam otvoren prema svima kada su u pitanju aplikacije.

MAHIR DEVIĆ – predsjedavajući

Obzirom da kolega Damir nije odustao od amandmana, ostaje nam da se izjasnimo o amandmanima.

Predsjedavajući je dao na glasanje Amandman I.

Kreirati posebnu stavku u izdacima unutar stavke Rb. TI-4e pod nazicom Subvencije-samozapošljavanje/omladinski startup biznis u iznosu od 80.000,00 KM, umanjnjem iz stavke TI-4e ekon.kom 614511 – briga o napuštenim životinjama za 30.000,00 KM, ekono.kod 614515 – potica za poljoprivredu za 30.000,00 KM i umanjujući stavku TI-5e – kapitalni transfer ostalim JU i JP za 20.000,00 KM.

ZA su glasali: Damir Filipović, Mirsad Osmanović i Sead Šehić.

PROTIV su glasali: Mahir Dević, Anel Bumbulović, Muamer Dervišević, Alma Omerović, Mehmed Sinanović, Adem Alić, Saudin Durmić, Armin Matoruga, Semir Dedić, Halid Dizdarević, Rasim Šehić, Alen Hasković i Edhem Hasanović.

UZDRŽANI su bili: Akif Bešlija, Muhamed Handžić, Almir Špiodić, Asim Mujić i Semir Dizdarević.

Odsutni vijećnici: Melisa Matoruga, Alan Šerak, Meho Džindo i Besim Gljiva.

Konstatovano je da Amandman I nije dobio potrebnu većinu.

Predsjedavajući je dao na glasanje Amandman II.

Kreirati stalnu budžetsku stavku unutar stavke TI-4c – Tekući transfer neprofitnim organizacijama pod nazivom tekući transfer za Udruženje "Srce za djecu koja boluju od raka u FBiH" – Roditeljska kuća u iznosu od 5.000,00 KM umanjujući budžetsku rezervu o kojoj odlučuje općinski načelnik na 55.000,00 KM definisana članom 5. budžeta.

ZA su glasali: Damir Filipović, Mirsad Osmanović i Sead Šehić.

PROTIV su glasali: Mahir Dević, Anel Bumbulović, Muamer Dervišević, Alma Omerović, Mehmed Sinanović, Adem Alić, Saudin Durmić, Armin Matoruga, Semir Dedić, Halid Dizdarević, Rasim Šehić, Alen Hasković i Edhem Hasanović.

UZDRŽANI su bili: Akif Bešlija, Muhamed Handžić, Almir Špiodić, Asim Mujić i Semir Dizdarević.

Odsutni vijećnici: Melisa Matoruga, Alan Šerak, Meho Džindo i Besim Gljiva.

Konstatovano je da Amandman II nije dobio potrebnu većinu.

Zatim je predsjedavajući dao na glasanje Amandman III.

Kreirati stalnu budžetsku stavku unutar stavke TI-4c – Tekući transfer neprofitnim organizacijama unutar ekon.koda 614324 pod nazivom – aplikacija budžet za akademsku mobilnost mladih u iznosu od 20.000,00 KM, umanjujući budžetsku stavku TI-5d ekon.kod 615311 – ostali ekonomski poslovi za 20.000,00 KM.

ZA su glasali: Damir Filipović, Mirsad Osmanović i Sead Šehić.

PROTIV su glasali: Mahir Dević, Anel Bumbulović, Muamer Dervišević, Alma Omerović, Mehmed Sinanović, Adem Alić, Saudin Durmić, Armin Matoruga, Semir Dedić, Halid Dizdarević, Rasim Šehić, Alen Hasković, Akif Bešlija i Edhem Hasanović

UZDRŽANI su bili: Muhamed Handžić, Almir Špiodić, Asim Mujić i Semir Dizdarević.

Odsutni vijećnici: Melisa Matoruga, Alan Šerak, Meho Džindo i Besim Gljiva.

Konstatovano je da Amandman III nije dobio potrebnu većinu.

Zatim je predsjedavajući dao na glasanje Prijedlog Budžeta općine Ilijaš za 2017. godinu uz amandmane koje je predložio općinski načelnik koji su sastavni dio ovog prijedloga.

Općinsko vijeće je sa 17 glasova ZA, 1 PROTIV i 2 UZDRŽANA donijelo

Budžet općine Ilijaš za 2017. godinu

AD-5

Prijedlog Odluke o izvršavanju Budžeta općine Ilijaš za 2017. godinu

Diskutanata po ovoj tački dnevnog reda nije bilo, pa je Općinsko vijeće sa 17 glasova ZA i 3 UZDRŽANA donijelo

Odluku o izvršavanju Budžeta općine Ilijaš za 2017. godinu

AD-6

Prijedlog Odluke o davanju mišljenja na Godišnje planove šumskoprivrednih osnova za ŠGP "Gornjebosansko" i "Bistričko" za 2017. godinu

NAMKA ŠUVALIJA – predstavnik KJP "Sarajevošume"

Šumskoprivredna osnova za Gornjebosansko je izrađena i vrijedi do 2022.godine. Iz tog razloga, desetinu radova koji se irade, a kada su u pitanju sječe, uzgojni i drugi radovi koji su u nadležnosti Sarajevošuma, sadržani su u tim godišnjim planovima realizacije. Mi, kao predlagači, odnosno kao korisnici tražimo saglasnost od Kantonalne Uprave za šumarstvo, dostavljamo sve planove koji moraju biti tačno precizirani i dostavljaju se projekti za izvođenje. Već jednom ste dali ovakvu suglasnost i mislim da nema razloga da i ovaj put to ne učinite.

Kada su u pitanju svi radovi koji se odvijaju na području Kantona Sarajevo na šumama i šumskom zemljištu, podložni smo kontrolama inspekcije i sve je u skladu sa Zakonom o šumama.

MAHIR DEVIĆ – predsjedavajući

Ovo je proceduralna tačka dnevnog reda svake godine, a kada su u pitanju Sarajevošume imali smo pozivinihi pomaka u 2016. godini kada su u pitanju isplate općinama.

MIRSAD OSMANOVIĆ – vijećnik SDP-a

Dostavljeni materijali nisu baš kvalitetni ili bolje rečeno pregledni, kako bi mi laici, mogli formirati mišljenje. Možda bi trebali biti pregledniji posebno – pregled odjela planiranih za sječu u 2017. godini. Možda je i kopir aparat malo kriv.

Formulacija Odluke nekako nije najsretnija i u obrazloženju se vidi da stoji u članu 11. stav 3. Zakona o šumama Kantona Sarajevo da saglasnost daje Uprava za šumarstvo, a i član 2. nije potpun, nemamo sve planove.

Plan sječe i plan šumsko uzgojnih radova smo dobili.

Plan korištenja i transporta posjećene drvene mase nemamo, a to je interesantno za općinu.

Procjenu godišnjeg prirasta i finansijsko ekonomsku analizu nemamo.

Zašto imamo ovoliki obim sanitane sječe? Je li nam šuma toliko obolila ili je nešto drugo?

Je li toliki prirast da ulazimo u odjele gje smo izvršili sječu prije 9-10 godina?

Nemamo podatke iz 2016. godine.

U 2015. godini plan sječe Sarajevošuma je bio 143.616 m³ drvene mase – neto četirana 83.506 m³, lisičara 60.110 m³.

Posjećeno 142.601 m³ (93.494 m³ četirana i 49.052 m³ lisičara)

Što ukupno iznosi manje od plana.

Ali, na području općine Ilijaš 2015. godine: planirano 48.632 m² neto drtvne mase (četirana 43.678 m³ i lisičara 4.955 m³)

Posjećeno je: 55.249 m³ neto drvene mase (četinara 50.939 m³, lisičara 4.310 m³), što

znači više od plana 6.617 m³. Što je još gore, preko plana je sječeno tehničko drvo. Slikovito poredani kamioni sapo 10 m³ Srednje-Semizovac.
Zaposlenost u Sarajevošumama – 369 na neodređeno vrijeme (117 sa područja Ilijaša).
Struktura zaposlenih? Koga Ilijaš finansira?
Krupno drvo
Plan za 2017.godinu 73.059 m³ (četirana 55.304 m³, lisičara 17.755 m³)
Plan za 2015 godinu 60.063 m³ (četirana 54.192 m³, lisičara 5.871 m³)
Znači, više za cca 13.000 m³.

Na kraju, ovakvim načinom-planom, ugrožavamo li održivost šuma? Ovo me podsjeća na gazdovanje šumama od strane Vareša pred formiranje Kantonalnih šuma, a sada donošenje novog zakona. Ne tražim objašnjenje, samo žao mi je šuma i budućih generacija. Nećemo glasati za ovu Odluku dok se planovi ne usklade sa Kantonalnim zakonom o šumama.

AKIF BEŠLIJA – vijećnik SBB-a

Ono što me interesuje jeste slijedeće. Naime, prilikom planiranih sječa i eksploatacija iz određenih gospodarskih jedinica, ne znam kojim putem Sarajevošume dodjeljuju drugim fizičkim licima-privatnicima i da li se prave ugovori sa istim i kada su u pitanju oštećenja infrastrukture ko snosi dio odgovornosti, odnosno vraćanje u prvobitno stanje?

MUAMER DERVIŠEVIĆ – vijećnik SDA

KV SDA će podržati ovu Odluku.

MAHIR DEVIĆ – predsjedavajući

Imali smo dilemu ovdje i definitivno je da Općinsko vijeće daje mišljenje i zahvaljujem se kolegi Mirsadu Osmanoviću što je ovo uočio.

NAMKA ŠUVALIJA – predstavnik KJP "Sarajevošume"

Kada je u pitanju sječa i kada je u pitanju i protekli period gospodarenja i kada je u pitanju Gornjebosansko iz našeg plana se da jasno vidjeti da mi možemo sjeći 57.095 m³, a u našem planu je 54.503 m³ za 2017. godinu, liščara 18.000 m³, a u našem planu je 17.500 m³. To su relevantni podaci koje pregleda šumarska inspekcija i koje svi nadležni organi mogu pogledati. Nema ništa sporno i ponašamo se tako da izrađujemo naše godišnje planove u skladu sa šumskoprivrednom osnovom.

Imate uvid u sva dokumenta i možete provjeriti i ništa nije sporno.

Prilikom izrade pojedinog projekta donose se da se nakon završetka eksploatacije komunikacije koje se koriste dovode u prvobitno stanje.

Što se tiče trećih lica i oni su dužni da sve dovedu u prvobitno stanje, a to se kontroliše na taj način da se vrši tehnički prijem izvedenih radova. Kada se završi sječa u određenom odjelu formira se komisija i vrši se pregled. Može se desiti da ima problema na terenu i da ne dovedu u prvobitno stanje, ali dužni su štetu sanirati i dovesti u prvobitno stanje.

Planiranje slučajnih užitaka se vrši na osnovu procjena za protekli period. Tek kada se završi 2016. godina, na osnovu iskaza sječa se vrši koliko je stvarno posječeno slučajnih užitaka.

ALEN HASKOVIĆ – vijećnik SDA

Želim reći nekoliko stvari s aspekta struke. Radi se o godišnjem planu koji je proistekao iz desetogodišnjeg plana, a to je naša šumskogospodarska osnova po kojoj radimo. Ne može se u godišnjem planu planirati da se posječe više nego što je to određeno šumskogospodarskom osnovom. Što se tiče planiranja sanitarne sječe moramo računati na pojavu slučajnih užitaka zbog potkornjaka i uticaja abiotskih i biotskih faktora. Dat ću vam na znanje da od 2014. godine pa na ovamo, na godišnjem nivou količina sanitarnih užitaka se smanjuje u Sarajevošumama. Godine 2014. posjekli smo ukupno cca 28.000 m³ slučajnih užitaka i pravovremenom intervencijom u narednom periodu kroz 2015. i 2016. godinu došlo je do smanjenja na što smo veoma ponosni i govorim na nivou cijelog područja da bi trebalo ovu 2016. godinu zaključiti sa nekih 16.000-17.000 m³ što, ako uzmemo u obzir, to je neka normalna pojava tolike količine sanitarnih užitaka. U ovom godišnjem planu je dat i pregled šumsko uzgojnih radova koji predstavljaju desetinu šumsko gospodarske osnove i kolega Osmanoviću, normalno je da se svakih deset godina ulazi u odjel da se ponovo sječe i zato se i prave desetogodišnji planovi i na osnovu premjera sa terena tačno se utvrdi koliki je prirast i na osnovu toga se izrađuju desetogodišnji i godišnji planovi. I nakon deset godina ponovo će se izvršiti inventura šume na osnovu čega će donijeti novi desetogodišnji plan.

U 2014. godini, zbog prevelike pojave sanitarnih užitaka koja je isključivo bila ovdje na Gornjebosanskom, od redovne sječe se odustalo u dva odjela.

MIRSAD OSMANOVIĆ – vijećnik SDP-a

Jasno mi je i zna se ko vodi brigu o zdravlju šuma i jasno je pitanje, ali mi cifre nisu jasne. U Ilijašu se posječe više nego što se planira. Vjerovatno će se u Ilijašu slijedeće godine manje sjeći.

Diskutanata po ovoj tački dnevnog reda, pa je predsjedavajući dao na glasanje Prijedlog Odluke o davanju mišljenja na Godišnje planove šumskoprivrednih osnova za ŠGP "Gornjebosansko" i "Bistričko" za 2017. godinu.

Općinsko vijeće je sa 16 glasova ZA i 4 UZDRŽANA dalo saglasnost na

Odluke o davanju mišljenja na Godišnje planove šumskoprivrednih osnova za ŠGP
"Gornjebosansko" i "Bistričko" za 2017. godinu

AD-7

Prijedlog Odluke o povjeravanju vršenja poslova Pravobranilaštva Kantona Sarajevo za
2017. godinu

ALAN ŠERAK – vijećnik SDP-a

KV SDP-a će podržati ovu Odluku, s tim što ću zamoliti kolegij općinskog načelnika da počne razmatrati činjenicu da mi uvedemo svog pravobranioca, tj. pravobranioca općine Ilijaš.

Diskutanata po ovoj tački dnevnog reda više nije bilo, pa je OV-e jednoglasno donijelo

Odluku o povjeravanju vršenja poslova Pravobranilaštva Kantona Sarajevo za 2017.
godinu

Nacrt Regulacionog plana "Apartmansko naselje Haluge"-Ilijaš, nacrt Odluke o provođenju
Regulacionog plana "Apartmansko naselje Haluge"-Ilijaš i nacrt Oduke o usvajanju
Regulacionog plana "Apartmansko naselje Haluge"-Ilijaš"

MELIHA AVDIBEGOVIĆ – pomoćnica načelnika za prostorno uređenje i stambeno-komunalne poslove

Odluka o pristupanju izradi apartmanskog naselja Haluge je donesena na sjednici OV-a 26.04.2016. godine. Površina obuhvata iznosi 14,1 ha. Predmetni lokalitet je u potpunosti neizgrađen, a osim postojećeg makadamskog puta nije ni infrastrukturno opremljen saobraćajnom i komunalnom infrastrukturom. Planom je predviđena izgradnja 133 nova objekta, od čega 131 individualni apartmanski objekta, 1 stambeno-poslovni objekat kolektivnog stanovanja i 1 objekat društvene infrastrukture sa sadržajima u funkciji stambenog naselja trgovina, ugostiteljstvo, finansije, uslužne djelatnosti. Izgradnja je planirana u dvije faze. U prvoj fazi 49 individualnih objekata, druga faza 82 individualna objekta, stambeno-poslovni objekat i objekat društvene infrastrukture. Površina parcela namijenjenih za individualnu izgradnju je od 612 do 1169 m² prosječne spratnosti suteran, prizemlje i sprat. Na jednoj parceli je planiran objekat društvene infrastrukture površine 2290 m², a na drugoj. površine 1200 m², isto stambeno-poslovni objekat. Pored glavne centralne saobraćajnice koja vodi do komunalnog groblja Haluge planirane su i lokalne saobraćajnice koje prate izohipse terena radi što manjih nagiba i povoljnijih prilaza individualnim parcelama. Širina kolovoza je 5,5 m, uz saobraćajnicu jsu planirane pješačke zona sa drvoredima, te centalna zona sa zelenilom, sportskim igralištem i igralištem za djecu. Ostala infrastruktura: snabdjevanje vodom, kanalizacija, elektrisnabdijevanje, definisat će se kroz izradu plana koje faze će biti nakon usvajanja faze urbanizma. Za plan je provedena kompletna zakonom propisana procedura, shodno Zakonu o prostornom uređenju i Uredbi o jedinstvenoj metodologiji za izradu dokumentacije prostornog uređenja. Nacrt plana stavlja se na javni uvid u trajanju od 15 dana kako je definisano Odlukom o pristupanju izradi plana od 03.01.2017. do 17.01.2017. godine, a javn uvid održat će se 19.01.2017. godine u sali Općinskog vijeća Ilijaš u 15:00 h.

Komisija za prostorno uređenje, stambeno-komunalne poslove i ekologiju dala je pozitivno mišljenje na plan, a Komisija za statut i propise uslovia je pribavljanjem mišljenja Pravobranilaštva Kantona Sarajevo na plan i odluke što je u suprotnosti sa navedenim Zakonom i Uredbom. Obzirom da nema zakonske prepreke, predlažem Općinskom vijeću da usvoji navedene nacрте i zaključak koji imate u tekstu.

MUHAMED HANDŽIĆ – vijećnik BPS-a

Čestitam pomoćnici načelnika Melihi Avdibegović na ovako lijepoj elaboraciji. Kada ovo sve pogledamo nije nam jasno odakle tolika voda u ovom naselju.

Ova saobraćajnica koja će u budućnosti voditi do mezarja/groblja Haluge da li i nju prodajete ili će ostati u vlasništvu općine. To je jedno pitanje. Bojim se da ne budemo morali helikopterima praviti dženaze. Ono zog čega ja često nisam glasao i podržavao ove projekte jeste pretvaranje šumskog i poljoprivrednog zemljišta. U većini slučajeva šumsko zemljište. Interesnatno će mi biti vidjeti da li će to podržati struka, gospodin Alen Hasković koji je najkompetentniji od nas obzirom da se u većini slučajeva radi o pretvaranju šumskog u građevinsko zemljište.

Dakle, tražim objašnjenje za put i za pretvaranje zemljišta iz šumskog i poljoprivrednog u građevinsko. Ovakve i slične odluke ili zaključke ne želim podržavati.

MAHIR DEVIĆ – predsjedavajući

Zamoliti ću vas, obzirom da je ovo možda već deveta sjednica kako idemo u pogrešnom smislu i spinujemo da mi nešto prodajemo. Znači, mi do sada nismo prodali ni 1m2 općinskog zemljišta. Mi ništa ovdje ne kupujemo. To je stvar investitora koji su kupili privatno zemljište. Druga stva, na šumskom zemljištu se ne može vršiti nikakva pretvorba u skladu sa zakonom. Ovo je obuhvat plana i šumsko zemljište se ne može pretvarati. Zamoliti ću pomoćnicu načelnika da odgovori.

MUHAMED HANDŽIĆ – vijećnik BPS-a (replika)

Da li se radi o općinskoj zemlji ili se radi o privatnoj zemlji ipak mi dajemo saglasnost na izgradnju objekata na području koje čini šumsko ili poljoprivredno zemljište. Koilko znam, nadležna služba zajedno sa nama ovdje daje saglasnost i nisam pitao je li to općinska zemlja i jesmo li je prodali, ali pitao sam za put da li će ostati općinski li će biti privatni put kroz to naselje. Nemam ništa protiv ni ovih ni onih koji se tu naseljavaju. Neka živi gdje god ko hoće, ali se bojim u budućnosti da mi ne budemo od njih tražili da kupimo 100 m2 zemlje.

MELIHA AVDIBEGOVIĆ – pomoćnica načelnika za prostorno uređenje i stambeno-komunalne poslove

Radi se o već planiranom putu koji je tretiran kroz izradu Regulacionog plana "Haluge" i on ostaje kao javni put. Predsjedavajući je rekao da ništa ne prodajemo i nismo ništa do sada prodali. Kada je u pitanju lokalitet koji je u obuhvatu ja sam na kraju kazala, radi svih vas i umorna sam od objašnjavanja, i mislim da treba da shvatite da je regulacioni plan Zakon. Do usvajanja plana provede se kompletna zakonom propisana procedura koja tretira ovu oblast. Pribavi se prvo mišljenje Zavoda za planiranje razvoja Kantona. Taj lokalitet za koji se radi regulacioni plan je u obuhvatu Prostornog plana. Prema Prostornom planu vodi se šuma i šumsko zemljište. Bez provedbene dokumentacije nema pretvaranja šumskog zemljišta. Rekla sam, prema prostornom planu, a ne na terenu. Može se na terenu prema Prostornom planu voditi poljoprivredno i šumsko zemljište, a da to na terenu uopšte nije takvo zemljište. Bez usvajanja regulacionog plana nema gradnje na šumskom zemljištu. Na poljoprivrednom je to nešto drugo. Na poljoprivrednom, rekla sam i do sada to radimo i za naše građene pojedinačno parcele i kroz regulacione planove. Ovo je dokument koji će se usvojiti, koji će se realizovati, po usvajanju plana platit će se naknada Ministarstvu privrede za kompletan plan prema Zakonu o šumskom zemljištu.

Diskutanata po ovoj tački dnevnog reda više nije bilo, pa je OV-e sa 16 glasova ZA i 3 UZDRŽANA donijelo

ZAKLJUČAK

1. Utvrđuje se nacrt Regulacionog plana "Apartmansko naselje Haluge" – Ilijaš, nacrt Odluke o provođenju Regulacionog plana "Apartmansko naselje Haluge" – Ilijaš i nacrt Odluke o usvajanju Regulacionog plana "Apartmansko naselje Haluge" – Ilijaš.
2. Javni uvid u Nacrt Regulacionog plana "Apartmansko naselje Haluge" – Ilijaš, nacrt Odluke o provođenju Regulacionog plana "Apartmansko naselje Haluge" – Ilijaš i nacrt Odluke o usvajanju Regulacionog plana "Apartmansko naselje Haluge" – Ilijaš stavlja se na Javni uvid u periodu od 03.01.2017. do 17.01.2017., a javna rasprava na nacrt Regulacionog plana "Apartmansko naselje Haluge" – Ilijaš, Odluke o provođenju Regulacionog plana "Apartmansko naselje Haluge" –

Ilijaš i nacrt Odluke o usvajanju Regulacionog plana "Apartmansko naselje Haluge" – Ilijaš održat će se 19.01.2017. godine (četvrtak) u sali Općine Ilijaš, II sprat sa početkom u 15 sati.

3. Primjedbe, prijedlozi, sugestije i mišljenja svih zainteresovanih subjekata planiranja, MZ-a, potencijalnih investitora, građana, vijećnika Općinskog vijeća Ilijaš, dostavljaju se Općini Ilijaš, Službi za prostorno uređenje i stambeno-komunalne poslove, koja organizuje i sprovodi javnu raspravu.
4. Služba za prostorno uređenje i stambeno-komunalne poslove dužna je nakon sprovedene javne rasprave da podnese izvještaj Općinskom vijeću Ilijaš, o rezultatima Javne rasprave koji sadrži primjedbe, prijedloge i mišljenja kao da da obrazloženje razloga zbog kojih pojedine primjedbe, prijedlozi i mišljenja nisu prihvaćeni.

AD-9

Nacrt Regulacionog plana "Savića Brdo 1, nacrt Odluke o provođenju Regulacionog plana "Savića Brdo 1" i nacrt Oduke o usvajanju Regulacionog plana "Savića Brdo 1"

MELIHA AVDIBEGOVIĆ – pomoćnica načelnika za prostorno uređenje i stambeno-komunalne poslove

Cilj izrade plana je da se predmetno područje urbanizira na kvalitetan način, predloži optimalna organizacija prostora sa kompleksom objekata apartmanskog tipa stanovanja i isto opremi kvalitetnom saobraćajnom i komunalnom mrežom. Površina obuhvata iznosi 4,3 ha. Predmetni obuhvat je neizgrađen, a lokalitet je sa dvije strane oivičen saobraćajnicom, nalazi se između obuhvata RP Banovac, Alića Gaj i Savića Brdo. Preko predmetnog obuhvata prolazi magistralni gasovod, a lokalitet je kategorisan kao uslovno stabilan. Planom je predviđena izgradnja 16 parcela od cca 1500 do cca 3000 m² (veće parcele sa većim okućnicama, veće distance od susjeda i dr.) sa 16 individualnih objekata spratnosti Sut+1 MGP 420 m². Osnovne svakodnevne potrebe stanovnika tretiranog područja će se zadovoljavati, zbog blizine istog u samom centru Ilijaša i u kontaktnim zonama. U predmetnoj prostornoj cjelini ne postoji nikakva saobraćajna mreža. Izvan granice plana, neposredno nalazi se uski asfaltni put kojeg treba rekonstruisati, a potporni zid koji je izveden na lokalitetu uz isti potrebno je porušiti radi proširenja puta. Unutar obuhvata priključkom na pomenuti put planiran je jedan pristupni put objektima. Razmatrani prostor će se opremiti mrežom komunalne infrastrukture, sa vezama na primarne gradske sisteme. Za plan je provedena kompletna zakonom propisana procedura, shodno Zakonu o prostornom uređenju i Uredbi o jedinstvenoj metodologiji za izradu dokumentacije prostornog uređenja. Nacrt plana stavlja se na javni uvid u trajanju od 15 dana, kako je definisano Odlukom o pristupanju izradi plana od 03.01.2017.-17.01.2017. godine, a Javni uvid održat će se 19.01.2017. godine u sali općine II sprat u 14 sati.

Komisija za stambeno-komunalne poslove i ekologiju dala je pozitivno mišljenje na plan, a Komisija za statut i propise uslovila je pribavljanje mišljenja Pravobranilaštva Kantona Sarajevo na Plan i Odluke, što je u suprotnosti sa navedenim Zakonom i Uredbom. Obzirom da nema zakonske prepreke predlažemo OV-u da usvoji predloženi Zaključak.

SEMIR DIZDAREVIĆ – vijećnik DF-a

Postavio bih jedno pitanje. Gdje je naznačeno P1, kaže se uslovno stabilan teren. Šta to nama znači, koji uslovi trebaju biti ispunjeni da bi to bilo stabilno. Je li treba da se desi klizište ako neko tamo uradi nešto što ne treba ili slično?

SEAD ŠEHIĆ – vijećnik SBB-a

Prošli put ste rekli da gore gravitira cca 1100 stanovnika, a čini mi se da nije predviđena niti jedna sportska ploha. Zar se nije moglo nešto uraditi na tom planu?

MAHIR DEVIĆ – predsjedavajući

To možete kroz javnu raspravu postaviti. Ustvari, ovaj regulacioni plan ne definiše taj obuhvat, to je nešto drugo.

MELIHA AVDIBEGOVIĆ – pomoćnica načelnika za prostorno uređenje i stambeno-komunalne poslove

Regulacioni plan Savića Brdo je još uvijek u fazi razmatranja. Sutra je javna rasprava i ako imate primjedbi, prijedloga, sugestija dođite u Službu ili sutra na javnu raspravu. Ovo je Regulacioni plan Savića Brdo 1 i zato smo ga tako i nazvali, ali je u blizini ovog tretiranog područja Savića Brdo. Prije uopšte pokretanje procedura izrade regulacionih planova za konkretni ovaj lokalitet, a i za sve lokalitete gdje se rade regulacioni planovi, prvo i osnovno je izrada studije o inženjersko geološkim karakteristikama zemljišta. Ja sam u uvodnim napomenama i kazala da je tretiran kao uslovno stabilan teren. Imali smo određenih lokaliteta gdje je bilo kao neuslovn teren, ali nakon izrade ovih studija evo Alića Gaj je primjer tome, gradili smo objekte. Znači, kroz urbanističku saglasnost i odluku o o provođenju plana će se definisati uslovi izgradnje objekata na tom lokalitetu.

Diskutanata po ovoj tački dnevnog reda više nije bilo, pa je OV-e sa 18 glasova ZA i 1 UZDRŽANIM donijelo

ZAKLJUČAK

1. Utvrđuje se nacrt Regulacionog plana "Savića Brdo 1", nacrt Odluke o provođenju Regulacionog plana "Savića Brdo 1" i nacrt Odluke o usvajanju Regulacionog plana "Savića Brdo 1".
2. Javni uvid u Nacrt Regulacionog plana "Savića Brdo 1", nacrt Odluke o provođenju Regulacionog plana "Savića Brdo 1" i nacrt Odluke o usvajanju Regulacionog plana "Savića Brdo 1" stavlja se na Javni uvid u periodu od 03.01.2017. do 17.01.2017., a javna rasprava na Nacrt Regulacionog plana "Savića Brdo 1", nacrt Odluke o provođenju Regulacionog plana "Savića Brdo 1" i nacrt Odluke o usvajanju Regulacionog plana "Savića Brdo 1" održat će se 19.01.2017. godine (četvrtak) u sali Općine Ilijaš, II sprat sa početkom u 14 sati.
3. Primjedbe, prijedlozi, sugestije i mišljenja svih zainteresovanih subjekata planiranja, MZ-a, potencijalnih investitora, građana, vijećnika Općinskog vijeća Ilijaš, dostavljaju se Općini Ilijaš, Službi za prostorno uređenje i stambeno-komunalne poslove, koja organizuje i sprovodi javnu raspravu.
4. Služba za prostorno uređenje i stambeno-komunalne poslove dužna je nakon sprovedene javne rasprave da podnese izvještaj Općinskom vijeću Ilijaš, o rezultatima Javne rasprave koji sadrži primjedbe, prijedloge i mišljenja kao da da obrazloženje razloga zbog kojih pojedine primjedbe, prijedlozi i mišljenja nisu prihvaćeni.

AD-10

Informacija o stanju u stambeno-komunalnoj oblasti, obnovi stambenog fonda i komunalne infrastrukture na području općine Ilijaš

Diskutanata po ovoj tački dnevnog reda nije bilo, pa je OV-e primilo k znanju

Informaciju o stanju u stambeno-komunalnoj oblasti, obnovi stambenog fonda i komunalne infrastrukture na području općine Ilijaš

AD-11

Informacija o stanju privrede, poljoprivrede i samostalnog privređivanja

Diskutanata po ovoj tački dnevnog reda nije bilo, pa je OV-e primilo k znanju

Informaciju o stanju privrede, poljoprivrede i samostalnog privređivanja

AD-12

Informacija Službe civilne zaštite o protivminskim akcijama i mjerama zaštite i spašavanja za 2016. godinu.

Diskutanata po ovoj tački dnevnog reda nije bilo, pa je OV-e primilo k znanju

Informaciju Službe civilne zaštite o protivminskim akcijama i mjerama zaštite i spašavanja za 2016. godinu.

Zatim je predsjedavajući Mahir Dević zaključio četvrtu sjednicu OV-a Ilijaš u 12:50h.

Zapisničar:
Maida Habibović

PREDSJEDAVAJUĆI
OPĆINSKOG VIJEĆA ILIJAŠ

Mahir Dević, prof.

Ul. 126. ilijaške brigade br. 6, 71380 Ilijaš
Tel. ++387 33 580-620, 580-698, fax. 400-505,
Transakcijski račun kod VAKUFSKE BANKE,d.d. Sarajevo:1602000000710645
e-mail ov@ilijas.ba
Broj certifikata:20938

